



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-I/25-2-40-563-7/20**

Datum: **08.12.2022. god.**

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo podnesenom putem „Sektora za realizaciju projekata” za izdavanje vodne saglasnosti za sanaciju obale na Velikoj otoci u Ripču, riječna ada u rijeci Uni, u naselju Ripač grad Bihać, na osnovu člana 114. a u vezi sa članom 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi**

R J E Š E N J E **o vodnoj saglasnosti**

1. Investitoru, «Agenciji za vodno područje rijeke Save» Sarajevo”, daje se vodna saglasnost na projektnu dokumentaciju pod nazivom „Elaborat zaštite zemljišta na Velikoj otoci u Ripču», urađen od strane „IPSA Institut” d.o.o. Sarajevo, oktobra 2020. godine, prema elaboratu, na parcelama označenim kao k.č. 1408/1 i 1422/2 K.O. Ripač, grad Bihać.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja je ovjerena vraća podnosiocu zahtjeva na trajno čuvanje i čini sastavni dio ovog Rješenja u skladu sa odredbama člana 114. stav (3) Zakona o vodama, a ista će se koristiti u postupku pribavljanja odobrenja za građenje
3. Dostavljeni „Elaborat zaštite zemljišta na Velikoj otoci u Ripču», urađen je od strane „IPSA Institut” d.o.o. Sarajevo, oktobra 2020. godine, biblioteka 1, inv.broj: 2738/I-4.

Vodna saglasnost se donosi na temelju dostavljene projektne dokumentacije pod sljedećim uslovima:

- 3.1. Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
- 3.2. Nosilac prava iz vodne saglasnosti dužan je u saradnji sa izvođačem radova, nadzornim organom i predstavnikom Agencije prije početka radova riješiti način uklapanja (prelazne dionice) uređenja obale u prirodno korito, tako što će se bez značajnijih zahvata u prostoru moći pristupiti realizaciji uređenja.
- 3.3. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa i svim ostalim podacima koji se uobičajeno vode kod ovakve vrste radova.
- 3.4. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 3.5. Investitor (korisnik prava iz vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
- 3.6. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
- 3.7. Nakon završetka radova neophodno je radni pojas koji uključuje korito, inundacioni pojas i obalu urediti i očistiti od gradilišnih objekata, mehanizacije i gradilišnog otpada.
- 3.8. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 3.9. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom uređenja obale ade – Velika otoka u Ripču – vodotok rijeke Une, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju obale riječne ade – Velika otoka u naselju Ripač, na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Investitor (korisnik vodne saglasnosti) ostaje u obavezi, a kada period izvođenja radova na uređenju obale bude tačno preciziran, najmanje sedam dana ranije obavijesti predstavnike lokalne zajednice te korisnika ribolovnog prava na ovom ribolovnom području, o početku izvođenja radova na predmetnoj dionici.
7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju obale ade u vodotoku rijeke Une na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
9. Korisnik vodne saglasnosti je dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
10. Vodna saglasnost prestaje da važi istekom roka od **(2) dvije godine** od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, «Agencija za vodno područje rijeke Save» Sarajevo putem "Sektora za realizaciju investicionih projekata" Agencije je podnio zahtjev dana 17.12.2020. godine za izdavanje vodne saglasnosti za uređenje obale riječne ade Velika otoka u vodotoku rijeke Une na lokalitetu u naselju Ripač, na parceli označenoj kao k.č. 1408/1 i 1422/2 K.O. Ripač, grad Bihać, dužine 60 m, po projektnoj dokumentaciji navedenoj uz zahtjev, Elaborat «Zaštite zemljišta na Velikoj otoci u Ripču», urađen od strane „IPSA Institut“ d.o.o. Sarajevo, oktobra 2020. god..

Uz zahtjev za izdavanje vodne saglasnosti dostavljena je slijedeća dokumentacija:

- Aktuelni izvod iz sudskog registra pravnog lica „AVP Sava“ Sarajevo, izdat od strane Općinskog suda u Sarajevu pod brojem: 065-0-RegZ-14-002716, dana 21.04.2014. godine;
- Rješenje o prethodnoj vodnoj saglasnosti broj UP-I/25-1-40-519-3/20 od 14.12.2020. godine, izdato od strane «Agencije za vodno područje rijeke Save» Sarajevo,
- Rješenje kojim se daje Urbanistička saglasnost Gradu Bihaću za izvođenje radova na zaštiti zemljišta na Velikoj otoci u Ripču, na zemljištu označenom kao k.č. broj: 1408/1 i 1422/2 K.O Ripač, Bihać u vlasništvu Medžlisa Islamske zajednice Bihać, izdato pod brojem: 03/1-19-1-1248/22 od 29.11.2022. godine, od strane Službe za urbanističko planiranje, građenje i imovinsko-pravne i geodetske poslove Grada Bihaća,
- Kopija situacije terena broj:03/1-19-1-1248/22 od 29.11.2022. godine,
- Mišljenje nosioca izrade prostornog plana Unsko-sanskog kantona „IPSA Institut“ Sarajevo, za period 20 godina, broj 3828/21 od 18.11.2021. godine;

- Uvjerenje o registraciji poreznog obveznika izdato od Porezne uprave Federacije BiH – Kantonalni porezni ured Sarajevo, dana 14.12.2012. godine,
- Zemljišnoknjižni izvadak broj: 017-0-NAR-20-003 137 od 12.08.2020. godine izdata od strane Općinskog suda Bihać,
- Izvod iz posjedovnog lista broj 211, izdat pod brojem:06/2-26-6-1640/20-2 od 11.08.2020. godine od strane Službe za imovinsko-pravne, geodetske i katastarke poslove grada Bihaća,
- Elaborat: « Zaštite zemljišta na Velikoj otoci u Ripču», urađen od strane „IPSA Institut“ d.o.o. Sarajevo, oktobra 2020. god., biblioteka 1, inv.broj: 2738/I-4.
- Akt Federalnog ministarstva prostornog uređenja broj UPI/03-19-2-45/21 od 17.02.2021. godine,
- Akt Grada Bihaća broj:03/1-19-1-85/21 od 20.01.2021. godine,

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije za uređenje desne obale rijeke Une angažirao ovlašteno pravno lice, „IPSA Institut“ d.o.o. Sarajevo koja je uradila Elaborat kako je prethodno navedeno u tački 1. rješenja,
 - Ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
 - Da je od strane ove Agencije, rješenjem broj UP-I/25-1-40-519-3/20 od 14.12.2020. godine, izdana prethodna voda saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije.
- Predviđenim radovima na uređenju i sanaciji obale riječne ade Velika otoka u Ripču u vodotoku rijeke Une planirana je stabilizacija i zaštita zemljišta duž obale, poboljšanje hidromorfoloških karakteristika korita i obale rijeke Une na navedenoj dionici.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. „Zakona o vodama“ i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), valjalo rješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Obradivač akta:

Fuad Mujagić, dipl.inž.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- AVP rijeke Save Sarajevo, Sektor za realizaciju projekata,
- „Grad Bihać“, Bosanska 4., Bihać 77000;
- ISV-vodna knjiga – ovdje;
- ☉ Arhiva – ovdje;
- AVP Sava – Oglasna ploča